

Maqaalee Rabbii (Subhaanahu)-Kutaa 8.3

Description

B- Buâ€™Ma Maqaalee Ar-Raaziq, Ar-Razaaq beeku fi itti amanuun argamuuâ€™Kutaa 2ffaa 3-Sababoota haraama taâ€™Man dhiisu fi rizqiif jedhanii haqa faalleessu dhabuuâ€™

Namoonni amantin isaanii yommuu xiqqaatu karaa haraamatin rizqii argachuuf carraaqu. Fakkeenyaaf, hanna, malaamaltummaa, mattaa, gowwoomsu fi kkf. Ammas, yeroo garii namni haqa Islaamaa qabate, yommuu abbaan aangoo haqa akka dhiisu ykn wanta sobaa akka hojjatu ajaju, â€™Rizqii narraa kutaâ€™ jedhee sodaachun haqa dhiisa ykn wanta sobaa hojjata. Namni kana hundarraa baraaramee gammachuu fi milkaaâ€™inna argachuuf, Rabbiin subhaanahu wa taâ€™aalaa Ar-Razaaq akka taâ€™e mirkaneefachuudha. Rizqiin harka namaa osoo hin taâ€™in harka Rabbii waan hundaaf rizqii kennuu keessa jira. Haqa akka dhiisaniif diinonni Islaamaa rizqii nama dhoowwachuun sodaachisu. Rizqiin akka waan harka isaanii jiru godhanii yaadu. Qurâ€™aana keessatti ni jedha:

﴿هُمُ الَّذِينَ يَقُولُونَ لَا تُنْفِقُوا عَلَيَّ مِنْ عِنْدَ رَسُولِ اللَّهِ حَتَّىٰ يَنْفَضُوا وَلِلَّهِ خَزَائِنُ السَّمَوَاتِ وَالْأَرْضِ وَلَكِنَّ الْمُنْفِقِينَ لَا يَفْقَهُونَ﴾

â€™Isaan â€™Hanga addaan bittinaaâ€™anitti namoota Ergamaa Rabbii bira jiran irratti hin baasinaaâ€™ kanneen jedhaniidha Kuusaawwan samiiwwanii fi dachii kan Rabbiiti. Garuu munaafiqonni hin hubatan.â€™ (Suuratu Al-Munaafiqun 63:7)

Aaya tana ilaalchise Sayyid Quxb (rahimahullahu) ni jedha: â€™Wanti munaafiqonni jedhan kuni amalli isaanii hangan badaa fi fokkuu akka taâ€™ee mulâ€™isa. Suni karoora beelessu mormitoonni haqaa fi iimaanaa bakkaa fi yeroo adda addaatti amanti sirrii taâ€™etti duuluuf waliif dhaamaniidha. Kunis kan taâ€™eef, namoonni kunniin miirri isaanii gadi aanaa waan taâ€™eef jireenya keessatti hanbaan nyaataa wanta hunda akka taâ€™etti yaadu. Ergasii muâ€™mintoota ittiin duulu.

Kuni karoora Qureeshonni itti fayyadamaniidha. Akka Nabiyyii (SAW) hin gargaarree fi isarraa facaâ€™an Qureeshonni nyaanni bani Haashim akka hin geenye dhoowwite. Akkasumas, akkuma aayan tuni murteessitu, tooftaan beelessuu fi nyaata dhoowwachun tooftaa munaafiqonni itti fayyadamaniidha. Akka isaan yaadanitti yoo beelli sahaabota rukute, nabiyyii (SAW) dhiisanii irraa facaâ€™u.

Warri kooministiis namoota amanti qabatan akka beelaan duâ€™aniif ykn amanti dhiisanii fi hin salaanneef mirga soorannaa dhoowwatu. Yeroo ammas, diinonni Islaamaa biyyoota Muslimaa keessatti ergaa Islaamatti duuluuf tooftaa kanatti fayyadamu. Tooftaan kunis: Muslimoota hidhuu, beelessuu, karaa rizqii ittiin argatan cufuu fi kkf. Haala kanaan mormitoonni iimaanaa durii fi ammaa, haqa salphaa Qurâ€™aanni ayah armaan olii keessatti isaan yaadachisu dagachuun maloota fokkuu kanatti fayyadamu. â€™Kuusaawwan samiiwwanii fi dachii kan Rabbiiti. Garuu munaafiqonni hin hubatan.â€™

Kuusawwan Rabbii kan samii fi dachii keessa jiran irraa warroonni haqatti diina taâ€™TMan kunniin rizqii isaanii argatu. Isaan mataa ofiiti rizqii kan uumani miti. Rizqii namoota biroo irraa kutuuf yommuu carraaqan, isaan gowwoota akkamitii! Ee xiqqaate hubannaan isaanii! Haala kanaan, tooftaa badaa kanatti qabsaaâ€™TMuuf Rabbiin warroota amanan tasgabbeessa, qalbii isaanii jabeessa. Kuusaan samii fi dachii namoota hundaafu banaa akka taâ€™TMe isaanitti hima.â€™[1]

Gabaabumatti kuusaan (kaaznaan) rizqii harka Rabbii akka jiru namni yoo beeke fi amane, dhabiinsa rizqii sodaachun wanta haraama hojjachuuf hin carraaqu.

4-Qalbii keessaa haafayuu fi doyaâ€™TMummaa fageessun arjoomu fi tasgabbaaâ€™TMu Namni maqaa Rabbii, â€™Ar-Razzaaqâ€™jedhu sirritti yoo hubatee fi itti amanee, qalbii isaa keessaa haafayuu fi doyaâ€™TMummaan ni fagaata. Sababni isaas, rizqii irraa wanta nama harka jiru, beekumsa fi qajeelchi qalbii keessa jiru hundi Rabbiin irraa akka taâ€™TMe isatti dhagahama. Miiirri kuni nama amane akka gadi of qabu, beekumsaa fi qabeenya irraa wanta argate karaa Rabbii keessatti akka baasuu fi warroota itti hajamaniif akka kennu isa kakaasa. Rizqiin balâ€™TMachuun Rabbiin irraa namaaf qormaata. Maal akka ittiin hojjatu isa ilaalu fi shukrii isaa qoruuf rizqii balâ€™TMisaaf. Qurâ€™TMaana keessatti: **â€™Rabbiin Kan dachii keessatti bakka buutota isin godhee fi waan isiniif kenne keessatti isin qoruuf jecha garii keessan garii irra sadarkaan ol fuudhedha. Dhugumatti, Gooftaan kee adabni Isaa saffisaadha, ammas dhugumatti Inni Araaramaa Rahmata godhaadha.â€™** Suuratu Al-Anâ€™TMaam 6:165

Rabbiin subhaanahu wa taâ€™TMaalaa ni jedha:

ءَامِنُوا بِاللّٰهِ وَرَسُوْلِهِ ۗ وَاَنْفِقُوْا مِمَّا جَعَلَكُمْ مُّسْتَخْلَفِيْنَ فِيْهِ ۗ فَالَّذِيْنَ
ءَامِنُوْا مِنْكُمْ وَاَنْفَقُوْا لَهُمْ اَجْرٌ كَبِيْرٌ

â€™Rabbii fi Ergamaa Isaatti amanaa. Waan Inni isa keessatti bakka buutota isin taasise irraas kennadhaa. Isin keessaa kanneen amananii fi arjooman, isaaniif mindaa guddaatu jira.â€™ Suuratu Al-Hadiid 57:7

â€™Waan Inni isa keessatti bakka buutota isin taasise irraas kennadhaa.â€™ Qabeenya Rabbiin dhaaltota isin godhee irraa kennadhaa. Qabeenyi isin qabdan yeroo hundaa kan isin waliin turuu miti. Kaleessa namoota biraa harka ture. Tarii abboota keessan harka ture. Harâ€™TMa immoo isaan ajjeese isin immoo qabeenya kana akka dhaaltan taasise. Isinis qabeenya kana zalaalamiif hin horattan. Isin ajjeesun dhaloota isin booda dhufu dhaalchisa. Kanaafu, wanta yeroo hundaa turaa taâ€™TMee maaliif hin horannee? Wanti turaan suni qabeenya keessan baasan mindaa guddaa Aakhiratti argattaniidha. Aaâ€™TMishaan akka gabaastetti, gaafa tokko hoolaa qalanii foon namoota hiyeeyyiif qoodan. Ergasii Nabiyyiin (SAW) ni jedhan: â€™Ishii (hoolaa) irraa maaltu hafee?â€™ Aaâ€™TMishaanis ni jette, â€™Ceeku malee homaa hin hafne.â€™ Ergamaan Rabbiis (SAW) ni jedhan, â€™Ceeku ishii malee hunduu hafee jira.â€™ (Jaamiâ€™TMu At-Tirmizii 2658) kana jechuun wanti Rabbiif jedhamee kenname kan hafee fi olkaaâ€™TMameedha. Guyyaa Murtii mindaa wanta kennanii fi baasanii waan argataniif.

5-Rizqii halaala ykn haraama gochuun aangoo nama osoo hin taâ€™in aangoo Khaaliqaati

(subhaanahu wa taâ€™aalaa)â€Rabbiin subhaanahu wa taâ€™aalaa Ar-Razzaaq erga taâ€™mee fi wantoonni dachi keessa jiran hundi kan Inni uumee erga taâ€™anii, namni hanga fedhe haa qabaatu wanta Rabbiin haraama godhee halaala gochuu hin dandaâ€™u. Ammas wanta Inni halaala godhe namni haraama gochuu hin dandaâ€™u. Sababni isaas, wanta tokko haraamaa fi halaala gochuun hojii Gooftaa qofa. Namni kana keessatti Isaan morkate, Gooftummaa Isaa keessatti shirkii hojjate jira. Namni wanta Rabbiin haraama godhe halaaleessu ykn wanta halaala godhe haraama godhu keessatti osoo beeku itti gammadee makhluuqaaf ajajamee, Rabbii gaditti makhluuqa kana gooftaa godhatee jira. Fakkeenyaaf, Qeeysonni wanta Rabbiin haraamaa hin goone haraama godhu ykn wanta Rabbiin oltaâ€™aan halaalaa hin goone halaala godhu. Namni osoo beeku itti gammadee qeysotaf ajajamee Rabbii gaditti qeysota gooftaa godhatee jira. Qurâ€™aana keessatti ni jedha:

﴿اتَّخَذُوا أَحْبَارَهُمْ وَرُهَبَانَهُمْ أَرْبَابًا مِّن دُونِ اللَّهِ وَالْمَسِيحَ ابْنَ مَرْيَمَ وَمَا أُمِرُوا إِلَّا لِيَعْبُدُوا إِلَهًا وَاحِدًا ۗ إِلَّا إِلَهَ إِلَّا هُوَ سُبْحٰنَهُ عَمَّا يُشْرِكُونَ﴾

â€Rabbii gaditti hayyootaa fi moloksee isaanii gooftolee godhatan, akkasumas Masiih ilma Mariyamis [gooftaa godhatan]. Gabbaramaa Tokkicha gabbaruu malee homattu hin ajajamne. Isa malee gabbaramaan haqaa hin jiru. Wanta isaan itti qindeessan irraa Inni qulqullaaâ€™e.â€ Suuratu At-Tawbaa 9:31

Asi oliitti â€gooftoleenâ€danuu (hedduminna) â€gooftaaâ€taâ€™a. Kiristaanonni fi Yahuudonni â€Rabbii gaditti hayyootaa fi moloksee isaanii gooftolee godhatanâ€ Aayah tana hubachuuf mee gara hadiisaa haa deebinu. Yeroo Nabiyyiin (SAW) ergaman Adiiyy ibn Haatim Kiristaana ture. Yommuu Islaamawuf Nabiyyii bira dhufe akkana jedha: â€Morma kiyya irratti maskala warqii rarraafadhe gara Ergamaa Rabbii (SAW) dhufe. Nabiyyinis ni jedhan, â€Yaa Adiiyy! Taabota kana morma keetirraa darbi.â€ Anis ni darbe. Suuratu Tawbaa irraa aayah tana osoo dubbisuu isatti dhufe: â€Rabbii gaditti hayyootaa fi moloksee isaanii gooftolee godhatanâ€ Anis ni jedhe, â€Yaa Ergamaa Rabbii! nuti isaan hin gabbaru.â€ Nabiyyinis ni jedhan, â€Wanta Rabbiin halaala godhe haraamaa hin godhanii? Isinis [isaaniif ajajamuun] haraama gootu. Ammas, wanta Rabbiin haraama godhe halaala hin godhanii? Isinis halaala gootu.â€ Anis ni jedhe, â€Eeyyen.â€ Innis ni jedhe, â€Kuni isaan gabbaruudha.â€[2]

Kuni haala Kiristaanotaa fi Yahuudotaati. Ragaa Rabbiin irraa dhufe osoo hin qabaatin, qeysotaa fi paappasota hordofu. Wanta Rabbiin haraama godhe qeeysonni, paappasonni fi molokseen isaaniif halaala godhu. Ykn wanta Rabbiin halaala godhe haraama godhu. Ummanniis isaaniif ajajama. Ammas, seera Rabbiin amanti keessatti hin buusne, isaaniif kaaâ€™u. Akkaataa ibaadaa itti hojjatan kan Rabbiin hin ajajne paapasonni kunniin ajaju. Fkn, namni tawbachuu barbaadu, qeysi bira deemee cuubaa, luka dhiqu fi wanta biraa hojjata. Akkasumas, ummanni Kiristaanaa ifa beekumsaa dhaban qeysotaaf gadi of qabaniis masqala dhungatu. Dhugumatti kuni gooftaa isaan godhachuudha. Hundemaa Gooftaan kan namoonni isaaf ajajamanii fi isaaf of gadi qabaniidha. Sadaqallahul aziim (Rabbiin Guddaan dhugaa dubbate).

Akkasumas, Iyyasuusin gooftaa akka godhatan wanta beekkamudha. Garuu namoonni kunniin ajaja Rabbii isaan uume faallessanii jiru. **â€œGabbaramaa Tokkicha gabbaruu malee homattu hin ajajamne. Isa malee gabbaramaan haqaa hin jiru.â€** Rabbiin subhaanahu wa taâ€™Maalaa ergamtoota erguun, â€œGabbaramaa Tokkicha gabbaraa, Rabbiin malee haqaan gabbaramaan biraa hin jiru.â€ jechuun isaan ajaje. Gabbarrii fi ajajamu Isa qofaaf akka qulqulleessan, jaalala, garmalee ol guddisuu, gadi jechuu fi kadhaa Isa qofaaf akka godhan ajajaman. Garuu isaan ajaja Rabbii dugda duubatti darbuun Isa waliin wanta biraa gabbaru. Isa qofaaf gadi jechuu fi ajajamu dhiisanii qeysota, paappasota fi molokseef gadi of qabu, isaaniif ajajamu. **â€œWanta isaan itti qindeessan irraa Inni qulqullaaâ€™e.â€** Wanta isaan Isa waliin gabbaranii fi kabajaaf guddinna Isaatiif wanta hin malle kan isaan jedhan irraa Inni qulqullaaâ€™™e. â€œRabbiin ilma qabaâ€™jedhan. Rabbiin kana hundarraa qulqullaaâ€™™e oltaâ€™™e.

Wanti asirraa hubannu, hayyootaa fi hoggantoota beekumsaa fi ragaa malee hordofuu dhiisudha. Hayyoonni fi hoggantoonni wanta tokko haraama ykn halaala yoo jedhan, â€œragaa keessan fidadhaaâ€ isaanin jechuudha. Ragaan isaan fidan Qurâ€™™aanaa fi Sunnah irratti yoo hundaaâ€™™e, suni waa tole, wanta isaan jedhan fudhachuudha. Garuu yoo ragaa hin qabaatinii fi wanti isaan jedhan Qurâ€™™aanaa fi Sunnah kan faallessu yoo taâ€™™ee, â€œeachumattiâ€™saanin jechuun irraa fagaachudha. Taâ€™™uu baannan, ragaa fi beekumsa malee isaaniif ajajamuun akka namoota armaan olii taana. Rabbiin kanarraa nu haa tiiksu.

Kitaabban wabii:

- [1] [Walillahi asmaâ€™™ul Husnaa fadâ€™™uuhu bihaâ€™™](#) lakk.61,62; AbdulAziz bin Naasir Jaliil
 [2] [Tafsiiru Xabariâ€™™](#) -11/417-418

Date Created

October 17, 2019

Author

admin